

瘧疾

大醫院吏目金谿雲林龔廷賢子才編

同邑後學周亮登元龍校

脈瘧脈多弦而數者多熱宜汗之弦而遲者多寒宜溫之弦而緊實者宜下之弦而虛細者宜補之弦而實大者宜吐之弦短者多食弦滑者多痰瘧脈遲緩者病自愈久瘧不愈者脈必虛宜養正去邪

天瘧者因外感風寒暑濕內傷飲食勞倦或飢飽色慾過度以致脾胃不和痰留中脘然無痰不成瘧脾胃屬土有信來去不失其時若多時或早或晚者是邪無容地瘧將好也瘧疾來時呵欠怕寒手足冷發寒戰大熱口渴頭痛腰膝骨節酸疼或先寒後熱或先熱後寒或單寒單熱或寒多熱少或熱多寒少一日一發受病淺也容易治間日發者或二日連發住一日者皆難痊治宜在表無汗者散邪湯為主有汗者正氣湯為主在半表半裏者柴芩湯為主分利陰陽而未已者人參養胃湯加減後方可截之若用截藥吐出黃膠水者瘧自愈也不可一兩日早

截則邪氣閉塞而成壞症又不可遲截遲則元氣衰憊而成虛怯當
在三四日就截為好須待熱退身涼方可飲食也切不可帶熱飲食恐
不消而成痞一名瘧母痞散成鼓者有之矣

大凡瘧初起者散邪正氣為先也無汗要有汗散邪為主

散邪湯 治瘧疾初發增寒壯熱頭疼身痛無汗

川芎 白芷 麻黃 白芍 防風 去苦

荆芥 紫蘇 羌活 各一錢 甘草 三分

右剉一劑生薑三片葱白三根水煎去渣露一宿次早溫服口有痰加

陳皮口有濕加蒼朮口夾食加香附 有汗要無汗正氣為主

正氣湯 治瘧疾初發增寒壯熱頭疼口乾有汗

柴胡 前胡 川芎 白芷 半夏 姜炒

麥門冬 去心 欖榔 草果 去壳 青皮 去穢 茯苓 去皮 各

桂枝 甘草 各三分 右剉一劑生薑三片棗一枚水煎預先熱服

瘧發寒熱作渴者宜分利陰陽也

○柴苓湯 治瘧疾寒熱病在 半表半裏陰陽不分

柴胡

黃芩

人參

半夏

猪苓

澤瀉

白朮

茯苓

肉桂

甘草

右剉一劑生薑三片棗一枚水煎服○無汗加麻黃○有汗如桂枝○

寒多加官桂○熱多加黃芩

虛人○瘧者養正邪自除也

○人參養胃湯 治暴瘧初起服二帖後用人參截瘧飲加減截之

人參

茯苓去皮

陳皮

半夏姜汁炒

厚朴姜汁炒

烏梅一箇

蒼朮

米泔浸

藿香

當歸

川芎

草果

去壳各八分

甘草三分

右剉一劑生薑三片大棗一枚水煎溫服○寒多加官桂○熱多加柴

胡○汗多去蒼朮藿香川芎加白朮黃芪○飽悶加青皮砂仁去人參

○渴加麥門冬知母去半夏○瀉加炒白朮芍藥瀉不止加肉豆蔻去

厚朴草果○嘔噦加白朮山藥炒砂仁炒米去草果厚朴蒼朮○痰多

加貝母竹瀝去半夏草果○內熱盛加炒黃芩去半夏○長夏暑熱盛

加香靈扁豆去半夏藿香

○人參竹瀝飲 治虛癯昏倦 汗多痰盛舌大 語言混雜不清 脈虛大

人參去芦 白朮去芦 茯苓去皮 當歸 生地黃 烏梅一箇

酸棗仁炒 麥門冬去心 知母 陳皮 芍藥各一錢 甘草三分

右剉一劑生薑三片棗一枚水煎入竹瀝半盞薑汁少許同服

風暑入陰在臟者瘡癩也

○柴胡芎歸湯 治夜間陰瘧引出陽分則散後服人參截瘧飲止之

柴胡 桔梗去芦 當歸 川芎 芍藥

人參 厚朴姜汁炒 白朮去芦 乾葛 茯苓去皮

陳皮各一錢 紅花 甘草三分

右剉一劑生薑一片棗二枚烏梅一箇水煎食遠服

人虛者截補兼用也○人參截瘧飲 治虛人截瘧一切瘧疾並可截之

人參 白朮去芦 茯苓去皮 當歸 青皮去蘗麩炒

姜汁炒 柴胡 黃芩 知母各一錢 桂枝三分

常山酒洗

草果去壳各略

烏梅一箇

廿粒

二分

三分

右剉一劑生薑一片棗二枚桃腦七箇水煎露一宿臨發日五更空心
溫服渣待日午再煎服糖拌烏梅下藥切忌雞魚豆腐起食及勞勞怒
氣戒之即痊

此方俱照前人參養胃湯後開治加減法相同截瘧飲加酒少許尤妙
人壯盛者宜單截也

○不二飲 治一切新久寒熱瘧疾一劑截住神効

常山

檳榔要一兩一兩若重

知母

貝母各等分

右剉每八錢酒一鐘煎至八分不可過熟熟則不効露一宿臨發日五
更溫服勿令婦人煎藥

○常山七寶飲 治壯健人瘧疾可截之

常山

草果去壳

檳榔

青皮

厚朴美汁炒

知母

蒼朮

米泔製 錢鼈甲一不

烏梅一箇

甘草三分

右剉一劑生薑一片桃腦七箇水煎入酒少許露一宿臨發日五更溫

服午間渣再煎服。○汗多加白朮去倉朮。○熱多加柴胡黃芩。○寒多
加桂枝。○口渴加麥門冬天花粉。○痰多加貝母。

瘧久不止者先截而後補也。

○如聖散

人參

三錢

常山

三錢

丁香

二十箇

甘草

二分

右為細末用好酒一鐘烏梅一箇煎熟露一宿臨發日五更溫服用糖
拌烏梅下藥時時可食之。

○雄黃截瘧丸

人言

一錢

雄黃

三錢

辰砂

三錢

甘草

二錢

大豆粉

一兩

右藥各為細末用黍豆粉打糊為丸如白豆大外用朱砂為衣臨發日
五更井花水吞服二丸小兒一丸勿多服。

瘧已後者須調養血氣也。

○參歸養榮丸

治瘧疾截住後日此湯藥調養血氣

人參

當歸

茯苓

去皮

白朮

去朮

陳皮

熟地黃

砂仁

厚朴

姜汁炒

山藥

炒

蓮肉

炒

芍藥

甘草

炒

右劉一劑大棗二枚少煎溫服。○瘧熱虛汗加黃芪去砂仁。

腹中有塊者瘧母也 凡瘧發時切不可帶熱飲食恐不消而成痞塊

散成鼓者有之矣 參歸龍甲湯 治老瘧腹脇有塊成瘧母

人參 五分 青皮 去穢 黃芪 炒 龍甲 醋炙 當歸 酒

茯苓 白朮 去片 厚朴 姜汁炒 香附 撫芎

砂仁 山查 去子 枳實 炒各三分

右剉一劑生薑一片棗二枚烏梅一箇水煎食前服。如製丸藥加

阿魏醋煮化和前藥末再用水醋少許打糊為丸如梧桐子大每服三

十九空心米湯吞下

○十將軍丸 治久瘧不瘥有瘧母者

三稜 炮 菝葜 生 青皮 陳皮 去白 草果 去壳

砂仁 檳榔 烏梅肉 半夏 炮七次 常山 酒蒸

右先將常山草果二味剉用好酒醋各一碗八九器內先浸一宿後入

八味藥同浸至晚入瓦銚內炭火者取出晒乾若無日色用火焙乾為

末半酒半醋打糊為丸如梧桐子大每服三四十九白湯吞下日進三

服忌生冷魚腥酸鹹油膩麪食炙博諸死毒物服至四兩至八兩即除
根凡有積聚及煙瘴濕地方更宜服之一方加蒼朮香附醋炒各一兩
平素虛弱兼以勞役內傷夾感寒暑以致瘧疾寒熱交作肢體倦怠之
力少氣用補中益氣湯加黃芩芍藥半夏有汗及寒重加桂枝焙黃芪
熟盛焙柴胡黃芩湯加麥門冬天花粉

大凡久瘧多屬无氣虛寒蓋氣虛則寒血虛則熱胃虛則惡寒脾虛則發
熱陰火下流則寒熱交作或吐涎不食戰慄泄瀉手足厥冷皆脾胃虛
弱但服補中益氣湯其諸症悉愈方見補益

大抵久瘧氣血俱虛而三日一發者用十全大補湯蓋邪氣在陽分者淺
而易治邪氣在陰分者而難治方見補益

婦人瘧後形體骨立發熱惡寒自汗盜汗胸膈痞滿日飲米湯少許服
參朮藥益脹臥床半年矣余以為陽氣虛寒用大劑補中益氣加附子

一錢二劑諸症漸退飲食漸進又二劑全愈方見補益

痢疾

脈痢脈多滑按之虛絕尺微無陰瀆則少血沉細者生洪弦者死

痢疾不分赤白俱作濕熱治之明矣赤屬血白屬氣赤白相兼膿血雜痢皆因脾胃失調飲食停滯積於腸胃之間多其暑濕傷脾故作痢疾起於肚腹疼痛大便裏急後重小水短赤不長身涼脈緩者易治身熱脈弦急者難治痢疾初起一二月元氣壯實者先用立白散虛弱者用芍藥湯疎通積滯三四日以後元氣漸弱調和飲食加減治之如不止服參歸芍藥湯調理脾胃補益元氣久不愈方可服真參養臟湯加減治之切不可驟用粟殼等藥止寒太早恐內積氣未盡成休息痢亦恐毒攻上胸腹飽悶作疼惡心嘔噦發呃難治因毒氣攻胃故也先水瀉後膿血者是腎傳脾難愈先膿血後水瀉者是脾傳腎易愈又有痢下鮮血者如塵腐色者如屋漏水者大孔如竹筒者嘔噦發呃煩燥身熱者俱難治也如魚腦髓者身熱脈數大半生半死也大抵治痢疾一二日

元氣未虛治宜疎通積滯此通因通用之去三四日後不可疎通恐元氣虛也當清熱解毒調養脾胃為主經云行血則便膿自愈調氣則後重自除若大腸積滯壅實而後重法當疏導之若大腸氣為下陷而後重法當升補之

初下痢者不分赤白皆濕熱也壯盛人初痢宜利之

○玄白散 治痢疾初起裏急後重腹痛膿血窘迫壯盛人一劑即愈

牽牛 赤痢用黑白向用白赤白相雜黑白兼用半生半炒搗碎

歸尾 檳榔 枳殼 去穢炒

大黃二錢 暑月加香薷一錢炒

右剉一劑水煎空心溫服以利二三次為度。虛弱人初痢宜清之

○芍藥湯 芍藥一錢 木香一錢 當歸一錢 枳殼去穢 檳榔一錢

黃芩 去柄 二錢 黃連二錢 甘草五分 右剉一劑水煎溫服

下痢相次者宜調和也。調和飲 白芍三錢 當歸一錢 川芎二錢

黃連二錢 黃芩一錢 桃仁一錢 升麻五分

右到一劑水煎空心服。如紅痢依木方。如白痢用吳茱萸一錢。連用酒炒。赤白痢加白木茯苓。陳皮香附各一錢。

痢因熱積而氣滯者宜清熱順氣也。

立効散 治赤白痢疾膿血相兼 裏急後重疼痛一服立止

淨黃連 四兩酒洗吳茱萸三兩同炒去朱萸不用 陳枳殼 二兩去穢

右二味為細末每服三錢空心黃酒調下瀉瀉米湯下。口噤痢疾陳

倉米湯送下

下痢發熱不退者腸胃中有風邪也

倉廩散 治痢疾赤白發熱不退 腸胃中有風邪熱毒及時行瘟疫疔

門閉境皆下痢噤口者服之神効

即人參敗毒散加黃連陳倉米三百粒薑棗煎服。如痢後手足痛加

檳榔木瓜。噤口痢加陳倉米一撮石蓮肉七枚

下痢發熱便閉者表裏有實熱也

六一順氣湯 力見傷寒 治痢不問赤白相雜肚痛裏急後重極身發熱

口乾發渴用此通利即止

下痢噤口不食者脾虛胃熱甚也。參連湯人參五錢 黃連一兩

右剉一劑水煎終日時呷之如吐再強飲但得一口呷下咽喉即好加

石蓮肉三錢尤効外以出螺搗爛盒臍中引藥下行故也

開噤湯 治噤口痢疾徐元濟傳

砂仁一錢 砂糖七錢 細茶五錢 生薑五片

右剉一劑水三鐘煎至八分露一宿次早面北溫服外用木別子二錢

去殼射香二分其搗置臍中即思食

一方 治漂口痢米穀不下者神効用石蓮肉為末每服二三錢用陳倉

米湯調下即効嘔加生薑汁二三匙

下痢久不止者宜調養氣血兼升澀也

參歸芍藥湯 治痢久一二十日痢多不止用此調養氣血自愈

人參一錢 當歸酒洗二錢 茯苓 白朮一錢 砂仁七分

山藥炒 陳皮各一錢 甘草五分

右剉一劑烏梅一箇燈草一團蓮肉七箇水煎溫服照後加減
日痢不食者胃口熱極故也

加炒黃連蓮肉人參炒米烏梅清熱開胃爲主

下痢腹痛裏急後重者是熱積氣滯也。又云裏急者腹中不寬快也亦
有虛坐而大便不行者皆血虛也血虛則裏急後重如四物湯之類治
之加木香檳榔和消積氣則後重自除

久痢後重不除者虛氣墜下也。治痢用下藥揆積仍後重者乃陽不升
也用升麻爲君。加人參當歸芍藥爲君升麻少許提氣

天凡痢作痛者熱流下也。加炒芍芍藥清之

痢後發熱不止或積少但虛坐努力者俱是血虛故也

倍加當歸芍藥地黃滋養陰血其熱自安

積中有紫血者是瘀血也。加芍藥紅花生血和之則便血自愈

痢下如漿豆汁者是濕也。加蒼朮白朮滲濕利小便

○實腸散 治久痢去多不分赤白用此末藥兼山黃糞來

乾山藥身黃色一兩 好蓮肉炒去心一兩 炒黃米一合

右共為細末用砂糖調熱湯和勻前藥未乾不稀漸漸調服後用清米湯嗽口常服之最効

○湯泡飲 治久痢不愈無分赤白俱可服 粟殼焙末炒 烏梅一箇

甘草三分 密三匙 右剉碎用滾水一鍾泡浸一時去渣三次服之

○真人養臟湯 治大人小兒冷熱不調下痢赤白或如膿血魚腦裏急

後重臍腹疼痛或脫肛下墜酒毒便血並皆治之

肉桂五分 人參去芦 當歸 訶子煨去核 木香

甘草炙 肉豆蔻剉東烟各一錢 芍藥炒 白朮各一錢

枳殼密少一錢 右剉一劑水煎食前溫服。臟寒者加附子一錢製

痢疾日久不愈不能起床不思飲食瘦弱之甚者用補中益氣湯去柴

胡加炒芍澤瀉木香砂仁白朮地榆粟殼醋炒

不抵久痢不止多屬血氣虛弱宜用八珍湯若脾氣虛而血弱者用四君

子湯皆胃氣虛而血弱者用補中益氣湯大凡此症久而不愈或變症

百出但守前法久之自愈

血痢及下血久不止用六味丸加地榆阿膠黃連黃芩生地黃已止四
方俱是補益

補遺方

○狗皮膏 貼瀉痢如神

乳香 五錢

沒藥 五錢

木別子 十錢

柳枝 四十九節 如筋大

杏仁 四十 九箇

桃枝 四十九節 二指長

右用香油七兩將木別子以下四味入油燻浮撈起渣從下好黃丹飛
過三兩熬將成膏用槐枝不住手攪滴水成珠退火再入乳香沒藥加

射香一分攪勻退火毒以狗皮攤膏貼臍上

○瀉痢膏 赤石脂 四兩

訶子 四兩

嬰粟殼 四兩

乾薑 五兩

右以上為細末用真麻油二斤四兩熬去四兩止弔二斤再熬滾入上
好飛黃丹一斤熬黑色滴水成珠入後四味藥龍骨二兩乳香五錢
沒藥五錢射香一錢俱為細末入內攪勻退火出火毒攤貼臍上每
筒重三錢冬月可加肉蔻五錢

秘方 治痢久不愈者用白蘿蔔取汁一鍾密一鍾其煎滾調勻溫服立止。又方用陰乾陳久蘿蔔煎湯服之止痢如神。又方用大團魚一箇水煮去腸甲加生薑七片砂糖一小塊不用鹽醬少入米粉作羹吃一二碗其痢立止。

大司寇春圃劉公年近古稀患痢膿血腹痛諸醫弗效余診六脈微數此肥甘太過內有積熱當服酒蒸大黃一兩清利之公曰吾衰老恐不能惟滋補平和之劑可也余再四寬釋公意始從遂服之逾日而愈。

通府竹峰何公患痢赤白晝夜無度遍身瘙癢心中煩燥予診六脈大數人迎偏盛此風邪熱毒也以人參敗毒散加防風荆芥黃連去人參二服即愈又診六脈仍前大數余曰數則心煩大則病進將來必有痰喘之患不起後逾月果如其言。

人痢後兩足浮腫胸膈脹滿小便短少用分利之劑遍身腫兼氣喘余曰兩足浮腫脾氣下陷也胸膈脹滿胃虛作痞也小便短少肺不能生腎也身腫氣喘脾不能生肝也用補中益氣加附子而愈半載後因酒